



INFORME SOBRE O PROXECTO DE ORDE DA CONSELLERÍA DE CULTURA, EDUCACIÓN E UNIVERSIDADE POLA QUE SE DITAN INSTRUICIÓN Sobre o COMEZO DO CURSO ACADÉMICO 2020-2021 E POLA QUE SE MODIFICA A ORDE DO 25 DE XUÑO DE 2020 POLA QUE SE APROBA O CALENDARIO ESCOLAR PARA O CURSO 2020-2021 NOS CENTROS DOCENTES SOSTIDOS CON FONDOS PÚBLICOS NA COMUNIDADE AUTÓNOMA DE GALICIA

De conformidade co disposto no artigo 43.2 da Lei 16/2010, de 17 de decembro, de organización e funcionamento da Administración xeral e do sector público de Galicia, en relación co *Proxecto de Orde da Consellería de Cultura, Educación e Universidade pola que se ditan instruccións sobre o comezo do curso académico 2020-2021 e pola que se modifica a Orde do 25 de xuño de 2020 pola que se aproba o calendario escolar para o curso 2020-2021 nos centros docentes sostidos con fondos públicos na Comunidade Autónoma de Galicia*, emito o seguinte INFORME:

1. Marco normativo e competencial:

Por Acordo do Consello da Xunta de Galicia, do 12 de marzo de 2020, polo que se adoptan as medidas preventivas en materia de saúde pública na Comunidade Autónoma de Galicia, como consecuencia da evolución da epidemia do coronavirus COVID-19, adoptouse no eido educativo a suspensión de todo tipo de actividade lectiva regulada en todos os centros de ensino non universitario.

O 22 de xullo de 2020 publicase na páxina web da Consellería de Educación, Universidade e Formación Profesional a Resolución conxunta das Consellerías de Educación, Universidade e Formación Profesional e de Sanidade pola que se aproba o Protocolo de adaptación ao contexto da COVID-19 nos centros de ensino non universitario de Galicia para o curso 2020-2021

posteriormente ditaronse as "Instruccións polas que se incorporan a declaración de actuacións coordinadas en materia de saúde pública aprobados polo Consejo Interterritorial del Sistema Nacional de Salud Pública (DOG nº 174 bis do 28.08.2020) e a actualización das recomendacións sanitarias do Comité Clínico ao Protocolo do 22 de xullo de adaptación ao contexto da COVID 19 nos centros de ensino non universitario de Galicia para o curso 2020-2021.

En virtudes destes acordos, a variación da distancia inter persoal entre o alumnado obriga aos centros educativos a modificar a planificación e a preparación que realizaran para iniciar o curso académico 2020-2021 axustándose ao Protocolo aprobado o 22 de xullo de 2020, facendo inviable manter o comezo do curso académico para o día 16 de setembro nas ensinanzas da educación secundaria obligatoria, no bacharelato, na formación profesional e nas ensinanzas especiais. Asemade, fai necesario que se diten unhas instruccións que establezan os criterios que os centros educativos deben aplicar na configuración dos grupos de alumnos e normas básicas sobre a autorización do cupo de profesorado en cada centro educativo.





A competencia do conselleiro de Cultura, Educación e Universidade para ditar a presente orde despréndese do establecido no artigo 34 da Lei 1/1983, do 22 de febreiro, de normas reguladoras da Xunta e da súa Presidencia e nos Decretos 110/2020, do 6 de setembro, polo que se establece a estrutura orgánica da Xunta de Galicia e 138/2018, do 8 de novembro, polo que se establece a estrutura orgánica da Consellería de Educación, Universidade e Formación Profesional, en vigor mentres non se proceda ao desenvolvemento da estrutura contida no devandito Decreto 110/2020.

2. Necesidade e oportunidade:

Para dar resposta ás situacions e casuísticas que necesariamente xorden nos centros educativos derivados do seu normal funcionamento nunha situación excepcional, é necesaria unha avaliación e proposta de axuste constante.

De tal xeito nos últimos meses foron aprobadas sucesivas normas que fixeron necesaria dita novas instrucións sobre o comezo do curso académico 2020-2021 e modificar a Orde do 25 de xuño de 2020 pola que se aproba o calendario escolar para o curso 2020/21 nos centros docentes sostidos con fondos públicos na Comunidade Autónoma de Galicia.

Concretamente o acordo da variación da distancia interpersonal entre o alumnado obriga aos centros educativos a modificar a planificación e a preparación que realizaran para iniciar o curso académico 2020-2021 axustándose ao Protocolo aprobado o 22 de xullo de 2020, facendo inviable manter o comezo do curso académico para o día 16 de setembro nas ensinanzas da educación secundaria obligatoria, no bacharelato, na formación profesional e nas ensinanzas especiais. Asemade, fai necesario que se diten unhas instrucións que establezan os criterios que os centros educativos deben aplicar na configuración dos grupos de alumnos e normas básicas sobre a autorización do cupo de profesorado en cada centro educativo.

3. Estrutura e contido:

O presente proxecto de orde consta dunha parte expositiva, seis artigos, unha disposición adicional, unha derogatoria e dúas disposicións derradeira, co seguinte contido:

- O artigo 1 establece o ámbito de aplicación.
- O artigo 2 regula a ensinanza presencial
- O artigo 3 regula a constitución dos grupos de alumnos nas distintas ensinanzas
- O artigo 4 regula a ensinanza semipresencial rotatoria.
- O artigo 5 regula a autorización do cupo de profesorado de cada centro educativo.
- O artigo 6 regula a formación do profesorado
- A disposición adicional 1ª establece o adiamento do inicio do curso académico nas ensinanzas de educación secundaria obligatoria, bacharelato, formación profesional e ensinanzas especiais, modificando os puntos 2 e 3 do artigo 5 da Orde do 25 de xuño de 2020 pola que se





aproba o calendario escolar para o curso 2020/21 nos centros docentes sostidos con fondos públicos na Comunidade Autónoma de Galicia, que quedaría redactado como sigue:

- A disposición derogatoria establece a derogación de cantas disposicións de igual ou inferior rango se opoñan á presente orde.
- A disposición derradeira primeira establece o desenvolvemento da orde
- A disposición derradeira segunda establece a entrada en vigor da orde.

4. Tramitación:

A Lei 16/2010 regula no capítulo II do seu título II o procedemento de elaboración de disposicións administrativas de carácter xeral. O artigo 41 recolle a fase inicial e sinala que a elaboración das anteditas disposicións será iniciada polo centro directivo correspondente, co acordo previo da persoa titular da consellería na que aquel estea encadrado. Así, o presente proxecto de orde foi elaborado como anteproxecto pola Secretaría Xeral Técnica da Consellería de Cultura, Educación e Universidade. A documentación que corresponde a esta fase é a seguinte:

- Acordo do conselleiro de Cultura, Educación e Universidade de data 15 de setembro de 2020, de inicio do presente procedemento de elaboración da norma.
- Texto do anteproxecto.
- Memoria de legalidade, acerto e oportunidade.
- Memoria económico-financeira.
- Táboa de vixencias.
- Informe do Servizo Técnico-Xurídico da Consellería de Cultura
- Acordo do conselleiro de Cultura, Educación e Universidade de data 15 de setembro de 2020, de aprobación inicial do texto como proxecto de orde.

Non consta o certificado de consulta pública previa que esixe o artigo 41.2, dado que se trata dun regulamento sobre cuestións organizativas.

Logo de finalizar esta fase do procedemento, seguíronse os trámites da fase intermedia previstos no artigo 42 da Lei 16/2010. Así, na tramitación do proxecto solicitouse informe á Dirección Xeral de Planificación e Orzamentos. Non se considera necesario, segundo o artigo 42.7, o pronunciamento dos departamentos competentes en materia de igualdade, administracións públicas e emprego público dado que a norma en cuestión non afecta nin á estrutura orgánica da Consellería, nin ao réxime de persoal, nin a métodos de traballo, nin a procedementos a instancia de parte.

Conforme ao establecido no artigo 42.2 e 6 da Lei 16/2010, tampouco é necesario nesta fase intermedia someter o proxecto de orde á audiencia dos grupos ou sectores da cidadanía previstos no artigo 42.3, nin a información pública, xa que se trata dun regulamento sobre cuestións





XUNTA DE GALICIA

CONSELLERÍA DE
CULTURA E TURISMO

Edificio Administrativo San Caetano, s/n, bloque 3-2º
15781 Santiago de Compostela

galicia

organizativas.

A Asesoría Xurídica da Consellería de Cultura, Educación e Universidade informou o proxecto de orde o 16 de setembro de 2020, de conformidade co artigo 43.1 da Lei 16/2010, en sentido favorable, sen prexuízo das observacións feitas —e xa emendadas— referidas á falta no expediente do texto do anteproxecto de orde e do informe do Servizo Técnico-Xurídico da Consellería.

Por todo o exposto, de conformidade co artigo 43.2 da Lei 16/2010, de 17 de decembro, de organización e funcionamento da Administración xeral e do sector público de Galicia, INFORMO favorablemente o *Proxecto de Orde da Consellería de Cultura, Educación e Universidade pola que se ditan instrucións sobre o comezo do curso académico 2020-2021 e pola que se modifica a Orde do 25 de xuño de 2020 pola que se aproba o calendario escolar para o curso 2020-2021 nos centros docentes sostidos con fondos públicos na Comunidade Autónoma de Galicia*, ao considerar que se axusta á legalidade vixente, para a súa aprobación definitiva polo conselleiro de Cultura, Educación e Universidade.

Santiago de Compostela, 16 de setembro de 2020

O secretario xeral técnico da Consellería de Cultura, Educación e Universidade

